

CAMPANIA.

Arcem habens satis validam. Quæ nunc Vrbs *Nojon*, Antonino *Noviomagus* nuncupatur, inter Sueffonas & Ambianos eam collocanti, decimamque octavam Legionem illi tribuenti, *Noviodunum* & *Vadicassum* est Pt. Vulgo Ecclesiasticorum *Noviomus*. Vrbs est, antiquitatis suæ notas non paucas præferens. Episcopalis Sedes, cujus Præsules Comites se Noviomagenfes & Franciæ Pares scribunt. *Fano* S. *Quintini*, quod Comitum Veromanduorum aliquando Domicilium & Regiunculæ caput, nomen a Quintino, qui Martyrium ibi passus. Olim *Augusta Veromanduorum*. Hæc de Veromanduis. *Retelorum* (vulgo *Retelois*) ditio sita est inter Hannonios, Lotharingos & Barros. Metropolis *Retelum*. *Tirascha* (*La Tirasche*) primaria urbs est *Gusa*, Arce superbiens, Propugnaculum contra Leuceburgenses.

Campania.

Regio.

Unde dicta.

Situs.

Cæli temperies.

Soli fertilitas.

Urbes.

Campania, quæ sequitur (*Comté de Champagne*) nomen, a Camporum latitudine longitudineque ut notat Gregorius Turonensis. Est enim Campestris admodum & plana, Sementique apta. Circumdant eam undique Briensium, Burgundiorum, Carolesiorum & Lotharingorum Ditiones atque Territoria. Cælum ibi serenum: Aër temperatus. Agri passim Frumento, Vino, omnique Pecorum genere abundant: nec desunt Silvæ, opimas quæ præbent venationes, jucundaque aucupia. Campania porro explicari solet hodie cum per se, tum per Coniacentes ipsi Principatus. Per se, proprièque considerata duplex est, *Inferior* & *Superior*. *Inferiori* adnascuntur *Tricassium*, Ditionesque quæ vulgo *Ivigny*, *Bassigny*, *Vallage*. *Tricassium* nominatur ab ævi posterioris Scriptoribus, quæ hodie *Trois*, Vrbs ad Sequanam: *Tracasis* Antonino, Legionem ibi xxxi ponenti, *Tricasse* Ammiano: *Trecasse* Bedæ, *Tricasinum* Nithardo: *Augustobana Trecasium* Veteribus monente V. N. Iosepho Scaligero. Episcopalis nunc sedes. Ad Sequanam (qui Chartariis hic magno est usui & commodo) in plano sita est, fertilis mercaturæque dedita: Arce potens. *Ivigni* Comitatus Campaniam separat a Burgundia: adherens Senonibus. Opidum primarium *Ivigny*, Iurisdictionem agnoscens Baillivatus Trecensis. *Bassigny* sic nominatur, quod potiore constituat Inferioris Campaniæ partem. *Bas* Francis *Infra*. Cincta fluminibus Matrona & Mosa, exiguaq; Mosellæ portione, aquis magis irrigatur, quam huius Ditionis reliqua. Metropolim habet cui ab *Calvo Monte* nomen: *Chaumont en Bassigny* vulgo: Baillivatus titulo claram, Arce antiqua, quæ in Rupe sita beneque munita, superbientem. Tribui solent illi (præter *Andomarunum* Lingonum, vulgo *Lan-gres*: de quo postea) *Montigny*, *Goeffy*, *Nogent le Roy*, *Montclar*, *Andelot*, *Bisnay*, *Choiseul*, *Vishnory*, *Clesmont*, omnia Opida non invalida, pleraque Arcibus firmata. *Vallense Territorium*, *Vallage* vulgo, nomen gerere creditur ab Vallibus, quas habet pulchras admodum & fertiles: Parrensisbus hinc contiguum, inde Bartenfisbus. Opida primi facile loci *Vasseium*, *Vassy*, ad Bloisam, ditionis Guisicæ. *Fanum* S. *Desiderii*, S. *Deser*, vel *Didier*: Arcem habet: *Fanivilla*, *Fanville*, Familæ Guisicæ Apanagium, ut vocant, aliis *Joint-Ville* scribitur. Sunt & Vallensi Ditione *Montmandelum*, *Doutlerant*, *Le Chasteau aux forges*, *Esclaron*, & alia. *Superior Campania* vere *Territorium* *Par-*
cense